

教育

一百五十六

六月

爲吾中國之幸而亦下田氏所以創設此科及愚等所以贊成之之本意也

中國贊成員
楊樞等公啓

遊學女子須知 一行李不宜多帶每人二箱及一被包已足一衣服皆須穿布以青藍二色爲限凡華麗艷色之服及綢緞奢侈之飾皆宜屏絕但夏衣及冬用之小襖等亦不可不帶一裝飾不宜用釵環釧鐲之類一不可帶女僕及婢如已帶至上海亦宜遣歸以至此須入學校雖帶有僕婢亦無所用之使獨居於外語言不通諸事不便徒費伙食增累贅而已一有志來者不須各督撫及學務處咨文到此後覓同鄉親友作保證人即可入學一如有尙未放足者急宜趕放著平底圓頭鞋一此間擬另立寄宿舍起居飲食一切務求與中國習慣相合必不致多有不便一來此乘船宜坐二等艙一有欲調查此間人學情形及來此至橫濱時須人招待者宜先致信知照各該本省同鄉會幹事

不可託者即
不須此

如有親
友在此

如不知該同鄉會幹事住址者可由東京神田駿河臺鈴木町十八番地中國留學生會館轉交若不知幹事姓名但書請會館幹事轉交某省同鄉會幹事亦不至誤一每年除學費服食書籍等用外零用五十元內外已足來此者約須各備全年用費日鈔三百元惟來往盤費及自買書物等費在外

各省教育彙誌

京師 宗室恆昌等在崇文門內蘇州胡同創辦崇實學堂已於三月十五日開學 練兵處議設貴胄學堂專爲王公子弟學習武備之所已於北京保定兩處擇地興建校舍 河南同省京官公籌經費在嵩雲卿堂設立豫學堂以爲子弟讀書之所公舉顧亞遷學士爲監督江西豫學堂亦已籌定的款購定琉璃廠附近之地將次建造學舍云

直隸 保定校士館現經袁慰帥飭改爲普通科學館停止月課專授科學已於二月初五日開學 陸軍第三鎮統制段觀察近在本軍中設立軍佐學堂令軍佐各員均赴該堂肄習算學測量繪圖等課俟畢業後軍官須由該員中遴選 保定軍醫學堂內附設一獸醫學堂擬定二年卒業額設三十名兼習東文卒業後發往各營充當獸醫近已開學

直隸陳廉訪擬在署內創設法政學堂業經稟奉袁慰帥批准所有課程一地理二歷史三教育四政治五理財六交涉七憲法八法律九中國律例延請漢教員一洋教員一通譯一庶務員一學生由候補佐貳佐雜及署內學班中選取正額三十名以二年畢業 保定志士某近就西關外南郭內訥公祠設立高等小學一所規模課業頗爲文明 天津縣

籌設初級師範學堂就舊設民立半日學堂之海潮菴改建其半日學堂則移至東門外之天齊廟改立業由該縣稟奉直督批准撥款開辦 又天津縣屬穆家莊天齊廟兩村聯設小學堂一處學額一百名分爲三齋常年經費由該兩村之畝捐羊捐提充定期三月十九日開學稟由天津縣轉詳直督批准立案 衡水縣屬鉅鹿鎮張紳友梅捐設初等小

學堂一處連前辦理巡警學堂各事共倡捐銀二千兩近由該村紳董稟縣轉請直督奏獎業奉 硃批准予自行建坊以示旌獎 又衡水縣職員馬景麟捐設初等小學堂一所亦由該縣稟請直督賞給匾額以昭激勵 肥鄉縣近由官立高等師範及農工女學警務各學堂多處已稟詳直督立案 冀州田村貢生陳體貴以本村設立初等小學堂經費難籌慨捐千金經該管州牧稟奉直督批准奏請獎給五品虛銜以昭激勵

教育

一百五十七

乙巳

教 育

一百五十八

山東 省城高都司巷添設公立速成師範學堂已於三月初八日開學肄業學生共取二十四名續至該學報名者尚絡繹不絕云 又速成師範畢業生陳君憲銘前具稟學務處請獨力創辦蒙學堂現已批准立案學額暫招二十名曲阜孔上公熱心教育倡捐鉅款創辦學堂合四鄉十六社及孔氏六十戶族人共集京錢二萬餘千於十六社各立小學堂一所城內立高等小學堂一所現已一律開學 棲霞牟梅孫之夫人崔氏創立女學一區願入學者親自教誨不受學資且將女子識字之益編爲女學俚語廣爲勸諭現報名肄業者已有十三人

河南 豫省創辦師範學堂已於三月二十四日開學學生肄業者約有一百五十人云 又省城所設高等學堂僅有客籍四十名豫撫陳筱帥深恐官商子弟教育未能普及爰將舊有之河工信陵客籍遊梁書院各一所以之歸併改設作爲豫河客籍學堂學額八十名出身與高等學堂相同 豫省向無駐防學堂大憲特籌設蒙養學堂一所專收駐防子弟現已開學

江蘇 江南陸師學堂現經署督周玉帥飭司寬籌經費添建講堂齋舍改爲五省武備中學堂每省考取學生一百人入堂肄業 江陰縣金大令自奉學務處札文籌設速成師範學校後近復稟報設立蒙學堂四十處已於三月間一律開辦並請立案備查云 元和縣屬卅直鎮舊有甫里書院近由經管紳董沈主政遵照學務處頒發初級尋常兩等學堂章程改辦小學堂一所額設四十人業已開辦稟請學務處立案 蘇垣曹胡徐巷近有女士某氏集資創設女學校一所專收良家閨女學級暫分二科以二年爲度塾中除外庶務一人外其餘內庶務三人教員四人總理一人俱由女子承充 松江朱君小鶴倡捐洋一百元就西門外秀野橋東本宅開立女校名曰秀野業經聘定教習開學就學者二十餘名 上海震旦學校解散後由馬君湘伯另立震旦新校並由董事會籌施則敬等稟請開道袁觀察將西門外老

營基地七十餘畝又華涇廬田數百畝撥作校產以圖永久而免經費支絀等情業奉袁觀察批准照辦 又上海城內東喬家浜羣學會附設義務小學校專收貧寒子弟不取學費一應書籍筆墨紙硯操衣等亦由該校發給額設六十人 已於三月十九日開學 常州自許君芝彞創設爭存女校後近由楊柳巷于某續辦女學堂一所學生以八歲以上十五歲以下爲合格定額二十名兼教授速成手織絨衫絨褲等俟報名及半即行開學 無錫競志女學校已於正月二十五日開校學生七十人自八九歲至三十餘歲不等學科共分十二科尤注重於國文書數圖畫手工教習五人均知名女士一侯夫人 該校創辦 一楊女士達權一孫女士蘇玉一周女士佩珍其一未詳 京口旗營學費充足副都統奎統制復於舊有中小兩學堂外創設蒙小學堂四所及女學堂一所已於三月二十四日一律開學 清江設立商務學堂定額三十名以年在十三歲以下二十歲以上資質聰明精通文義者爲合格學科分簿記書算英文商品以備卒業後推荐各店量材取用 揚州創辦義務小學校已於南柳巷擇定校所暫招學生四十名分爲兩班高等自十一歲至十四歲止初等自七歲至十歲止教授修身國文地理歷史英文算學體操等科一概不取學費 又少懷學堂開辦已逾半載近又添招額外學生并專門醫學生以宏教育 美國浸禮教會在揚傳道有年近經該會教士畢爾士君竭力擴充創辦醫院及中西明道學堂近又在南門都天廟後購得空地百畝建設女學堂及各種慈善事業現已從事工作 南通州紳士李君近於南城外長橋設立女學一區已于三月間開學學額二十人章程亦極完備 安徽 太平府中學堂即就翠螺書院所改之儲英學堂開辦暫定學額六十名以五十名爲正課生十名爲附課生常年經費抽自米捐已於三月初三日開學

浙江 兩浙工藝傳習所會於甲辰招考學生共取四百名分三次傳考學習今歲傳補第一次學生實到者七八十名

教育

一百五十九

乙巳

教 育

一百六十

六月

近派定學染色者四十人學造紙者念餘人學織布者七八人學織綢者四五人將來尙須續行傳補云 嘉興某女士近在北門內丁家橋北首租賃房屋設一女學館專收女學生教以算地更閭範等學 海鹽紳士張主政元濟等近各捐助經費仿行蘇州創設私塾改良會常向學務處稟請立案已蒙批准並行文海鹽縣出示曉諭 甬郡情民戶籍自甲辰年盧紳鴻滄呈請商部奏請開除已明降 諭旨照准在案現盧紳創捐鉅資特於甯波城廂設立農工小學堂以教該戶子弟而湘撫端午帥亦電咨浙撫捐助千金並給扁額以示提倡云

福建 閩藩周方伯及羅黃兩觀察均以閩省各處有蠶失收實係蠶學未經講求之故現特設一蠶務學堂招生肄業已於二月間開學 閩省陳牧庵閣學現在山兜尾開辦師範小學堂招考八歲以上及十二歲以下幼童肄業其中皆延通達文字之女師爲之督課一師領課三重并爲之照料梳洗名曰保母任斯席者半多紳富家之婦云

湖北 武昌各學堂教員現各集資斧擬開高等小學一所已同稟武昌府請移學務處暫予立案當蒙梁節菴觀察捐助一千五百元黃伯雨太守捐助一千元云 江漢關道總觀察稟陳督轅請將漢陽府城豐備倉改設府師範學堂當邀鄂督張香帥允准照辦 鄂省不繼足會設立之第一幼女學堂報名者頗不乏人並有他省女生負笈來鄂者已於三月間開學授課 漢口橋口外擬設蒙養小學堂一所因經費難籌一時未能成就現暫借船幫公局爲設學之所凡貧家子弟不納學費入學者頗爲踴躍 襄陽公立預備高等小學堂因款項未足暫不建築學舍借古樓北李氏住宅開辦學科分修身國文經學算術歷史地理格致圖畫體操唱歌十門三年畢業升入官立高等小學堂學額四十名不取學資近已云訂定簡章廣爲宣布

湖南 前湘撫陸春帥以省垣學務正興所有各種科學東西各國書籍器具非設圖書館襲藏以便各學堂調閱不可

並擬將定王臺舊有之圖籍器具歸併辦理已飭善後局釐金局籌備經費銀一萬兩常年經費每月百兩移解學務處備用其監督則以陳紳慶堂充當云 湘紳言君小舫頗精算學會充明德學堂算學教習近與同人於黃花園地方另設算學專修科學堂已經廣告招學

四川 蜀提馬軍門維祺將以署中簡道改設陸軍將弁學堂遴選省標十營武職各員年力富強軍格無闕者考取入堂肄習惟開創之始經費無多定額只四十名云 成都延慶寺首人劉君規文以每年酬神演劇宴會費用不資實屬

無益特邀同會衆議將常款千餘金設立藝徒學堂已稟准學務處即日開辦 重慶中學堂學生所立半日學堂每日

分三班教授功課爲習字文法經史地理珠算就學者共有二百餘人云 川省中學堂檢查許君見田於家中設立女

學堂一所延聘江北陳石生孝廉之夫人教授修身家政歷史國文美術等科學熊仲笙之夫人教授算學地理兩科定

額十五名每名學費六金 重慶鳳凰臺創設東文學堂專爲東游預備延日本竹川藤太郎爲總理其教員日本三人

本國二人 又土廟子地方紳民公立高等小學將來卒業與官學一體升送 瀘州閔茂才珽捐資創設晨夜學堂內

附手工以教貧寒子弟現已具稟立案開學 川東忠州城北修一中學堂規制荷臬學科完備現已落成開辦 又州屬

高家鎮地方近亦設一民立崇實學堂延聘閩人楊景祜諸君爲教員一切尙稱完善

廣東 粵省粵秀書院新立初級師範傳習所已於三月十五日開學 左潘二君在長壽寺鐵汁堂所設之初等商業

學堂現已組織完備課程分修身國文算學地理博物圖畫商品歷史兼商史體操英文十門每日教授六小時學額一

百二十名分甲乙兩班甲班以三年畢業乙班以四年畢業 學務處委員王鶴齡籌設蛋戶學堂並請轉詳大憲奏咨

准予蛋民除籍已奉學務處批示略謂查粵省蛋民執業非甚卑污且同是粵民自應一視同仁同受教育該員請飭南

教 育

一百六十二

六月

番禺縣籌設海珠東海珠西兩小學堂招選蛋戶子弟入學係爲教育普及開通民智起見自應照准仰廣州府督飭南番兩縣迅即妥籌辦理具報至蛋民准令上岸居住一節既據聲稱雍正七年當經明奉諭旨是朝廷本無歧視蛋民之心應由地方官出示曉諭以化其町畦之見云云 廉州府屬靈山合浦二縣自奉辦開學以來靈山已將本省之書院改爲鍾靈學堂其合浦與府治混而爲一現已將府屬之海門書院改爲府屬中學堂龍門書院改爲合浦高等小學堂又在府城內春橋地方借定祠宇建初等第一小學舍一區在城外海角亭地方借定祠宇建初等第二小學舍一區以爲初基預備均已劃定款項議章開辦 揭陽縣地美一都開辦學堂已有五所一名鼎新學堂一名楓晚學堂學生各四十餘人一名梅魁學堂學生五十餘人一名培英學堂學生三十餘人一名地中學堂學生二十餘人又揭屬錫場鄉自奉憲諭興辦學堂該鄉紳耆遵即籌款開辦初級小學堂三所一名峰公學堂一名樂公學堂學生各四十餘人一名樓畔學堂學生五十餘人 番禺李茂才景詒甲辰年曾在練習所畢業旋即回鄉邀集同志籌款在螺陽社改辦公立高等小學堂并議定章程稟縣批准存案 長樂張君鳴清等在樟村創辦覺民小學堂由縣通稟立案已蒙允准其學堂章程約分長幼兩班長班復分甲乙二班年紀稍長國文有根抵者歸之幼班亦分丙丁二班八歲以上至十六歲以下者歸之學生四十八人各科學教習已經到堂開學 順德縣平葛兩堡聯安約紳士梁君禹甸特在該堡創立學堂一所名曰聯安規模甚廣學科亦頗完備 澄海林君梓堅近創辦林氏家族學堂一所名曰忠烈教習三人學生四十餘人已於三月初三日開學 香山高君雲裾毛君仲營譚君香荃等籌集款項借城內深巷高氏家廟設立小學堂一所名曰養聖現就學者共有八九十人云

廣西 臨桂縣廩生蒲君璧等約合同志設立公益小學堂一所專課初級之學具稟大學堂監督沈觀察給諭開辦稟

請高等學堂師範生劉宗寶爲教員已蒙批准照辦

各省遊學彙誌

直隸 保定師範學堂畢業生劉恩培深澤縣廩生趙炳藜文生陳殿勳平山縣文童王駿發等各備資斧前往日本游學均經稟准直督袁慰帥給咨前往

奉天 奉省旗女靜婉係多某之女自備資斧率女伴七人前往日本留學已於二月十二日附輪東渡

山東 魯省王君志勛自留學日本回省後招集同志二十餘人偕行東渡計濟南五人曹州六人東昌七人萊州二人青州五人

江蘇 上海徐君顯爲徐文定公後裔近以自費赴日本成城學校肄業稟奉江海關道給咨東渡

安徽 皖省各屬前赴日本學習速成師範者計宣城二人甯國一人貴池一人當塗一人合肥二人舒城二人無爲二人懷遠一人宿州二人靈璧二人潁上一人霍邱一人亳州一人滁州一人全椒一人來安一人含山一人以上宣歙祁門一人桐城一人以上自費

浙江 浙省學務處考選留學日本完全師範生共取一百名約於秋間東渡

湖北 鄂督張香帥遣派已補實缺尙未到任之州縣十二人赴日本遊歷以資歷鍊計武昌縣趙永清鍾祥縣楊壽昌

黃岡縣潘詠捷圻水縣徐培光天門縣陳鈞荆門州慶春棗陽縣陳圓隨州趙振聲松滋縣劉肇堉襄陽縣李祖蔭麻城

縣陸松孝感縣蔣有霖

湖南 湘撫端午帥以法政警察銀行諸事爲當今之要政非參考異地不足以收實效爰遣派候補道但子東觀察旭

教育

教育